

Ministarstvo komunikacija i prometa Bosne i Hercegovine

Pretraga

 / Komunikacije i informatizacija / Vijesti / Forto: Privodimo kraju projekat koji je trebao bit...

Vijesti

Posljednje vijesti

[Forto: Saradnja sa Srbijom usmjerena na prometnu infrastrukturu i željeznice](#)

[Forto: Dok čekamo na Gradišku, rješavamo Šćepan Polje i most Brčko – Gunja](#)

[Forto: EU odobrila plan. Posao tek počinje](#)

[Ulaganje u infrastrukturu u fokusu sastanka ministra Forte i britanskih parlamentaraca](#)

Forto: Privodimo kraju projekat koji je trebao biti okončan prije deceniju

02.12.2025

Ministar komunikacija i prometa Bosne i Hercegovine Edin Forto potpisao je danas dodatak Ugovoru o nabavci opreme za realizaciju Projekta digitalizacije Javnih RTV servisa u BiH s Denisom Nikolom Kulišićem, direktorom Odašiljača i veza d.o.o. Zagreb.



Dodatak je potpisan kako bi se osigurao realan rok za završetak preostalih aktivnosti projekta do 1. juna 2026. godine, budući da su okolnosti na koje Ministarstvo nije moglo utjecati usporile dinamiku radova. Prije svega, radi se o neriješenim imovinsko-pravnim pitanjima pojedinih objekata na kojima je planirano instaliranje opreme, ograničenom pristupu lokacijama, aktivnostima koje zahtijevaju međusobno usaglašavanje i koordinaciju javnih RTV servisa te različitim tehničkim i infrastrukturnim preduvjetima na lokacijama, uključujući i one izvan BiH, što zahtijeva posebne procedure. Dodatno na produženje roka utječe i činjenica da je ulaskom u zimski period očekivan otežan pristup kao i uvjeti rada na planinskim lokacijama gdje je potrebno ne samo instalirati nego i testirati novu opremu.

Dodatkom ugovora nisu mijenjani finansijski uvjeti ugovora o provedbi Projekta digitalizacije, odnosno OiV nema finansijska potraživanja prema Ministarstvu vezano za produženje roka realizacije.

Sva oprema isporučena je u februaru, okončane su sve planirane obuke za stručno osoblje javnih RTV servisa, a većina opreme je montirana, instalirana i puštena u rad. Paralelno s tim, preostali objekti se sukcesivno puštaju u rad na području cijele Bosne i Hercegovine, čime svakodnevno raste pokrivenost digitalnim signalom u svih devet digitalnih regija u BiH.

Ministar Forto je podsjetio da je Bosna i Hercegovina bila posljednja država u Evropi bez digitalnog TV signala te je naglasio da Ministarstvo ostaje posvećeno uspješnom okončanju digitalizacije javnih RTV servisa, ključnom koraku ka modernizaciji sistema emitiranja.

Bosna i Hercegovina je potpisnica sporazuma Ženeva 2006 (GE-06), kojim se obavezala da će najkasnije do sredine 2015. godine ugasiiti analogni signal, dok je Strategijom prelaska sa analognog na digitalno zemaljsko emitiranje iz 2009., planiran ambiciozni rok da BiH taj proces završi do kraja 2011. godine.

« DECEMBAR 2025 »

Pon	Uto	Sri	Čet	Pet	Sub	Ned
1	2	3	4	5	6	7
8	9	10	11	12	13	14
15	16	17	18	19	20	21
22	23	24	25	26	27	28
30	31	1	2	3	4	5

PRETRAGA VIJESTI

Početni datum

Krajnji datum

SEKTORI

Odaberite kategoriju

KATEGORIJE

Odaberite kategoriju

Prikaži

RSS feed

- Upute za korištenje
- Pokaži sve RSS Feed-ove

Trg BiH 1
71000 Sarajevo

Bosna i Hercegovina

Kabinet
tel.: +387 33 284 750

fax: +387 33 284 751

e-mail: kabinet@mkt.gov.ba

© 2025. Ministarstvo komunikacija i prometa Bosne i Hercegovine Sva prava pridržana.

[RSS](#) | [Mapa sajta](#) | [Web portal Vijeća Ministara](#)

WEB PORTAL



DOSTUPNO NA SVIM
REZOLUCIJAMA

